

# ACADEMIÆ VVITE- BERGENSIS LEGES DE STVDIIS ET MORIBVS AVDI-

torum, quæ bis quotannis recitantur.

## PRIMA LEX.



**E**STIMONIA de Deo multa & illustria vniuersæ naturæ rerum impressa sunt, quæ optimus Conditor vult aspici, vt agnoscamus eum, Addidit autem & singulares patefactiones confirmatas manifestis miraculis, & legem & promissiones suas edidit, & misit Filium, qui verè colligit æternam Ecclesiam, cui Deus in omni æternitate communicare vult suam sapientiam, iusticiam & læticiam, Colligit autem Ecclesiam voce Euangelij, & non aliter.

Cumq; literis mandari suas patefactiones, legem & Euangelium voluerit, ac seuerissimè præcipiat, vt hæc scripta legant homines & cognoscant, & sic de ipso sentiant, sic eum inuocent, sicut ibi se patefecit, & vitam iuxta hanc normam regant, semper adiunxit Ecclesiæ cœtus docentium & discantium literas. Et sicut ministerium Euangelij in templis diuinitus conseruatur, ita tales aliqui cœtus docentium & discantium literas diuinitus conseruantur, quos quidem vult esse partem ministerij Euangelici, & legere libros Propheticos & Apostolicos, & retinere natiuam sententiam, nosse Symbola, & certamina ac iudicia Ecclesiæ om-

A ij nium